

ingenio exigere aliquam pecuniam cuiuscumque conditionis existat uigore sui officij nisi presentibus ipsis tribus camerarijs uel duobus ex eis ad minus cum uno ex scribis dicti officij. Et teneantur ipsi camerarij scribere in tribus quaternis in concordio, scilicet in uno pro quolibet, et unus ex scribis in uno alio quaterno in concordio cum eis omnem pecuniam, quam exigent omni modo et omnia deposita et omnia alia uigore sui officij. Et predictam pecuniam, deposita et omnia alia, ut est dictum, teneantur ponere et conseruare in una capsula, que habet tres clauas diuersas, quarum una habeat et teneat quilibet ex camerarijs predictis, ita quod nullus ex eis modo aliquo, ingenio seu forma solus accipiat, exigat nec conseruet pecuniam dicti officij nisi cum ordine predicto. Et teneantur dicti camerarij omnino omni hebdomada portare totam pecuniam, quam exigent quomodocumque duche et consiliarijs Crete et monstrare ac designare eis ordinate omnes rationes suas de qualibet hebdomada, ita quod commune nostrum conseruetur in iuribus suis. Pecunia uero, quam ipsi camerarij Crete designabunt duche et consiliarijs Crete, ut dictum est supra, poni debeat in una capsula in camera nostri duche Crete, que capsula habeat quatuor clauas diuersas, quarum unam habeat et teneat ducha Crete et alias tres habeant camerarij Crete, scilicet unam pro quolibet. Et si aliquis camerarius Crete contrafaciet ullo modo predictis uel alicui predictorum exigendo solus aliquam pecuniam dicti officij uel accipiendo uel conseruando penes se contra id quod dictum est, cadat ad penas illorum qui malo modo ponunt manus in pecunia nostri communis, secundum ordines nostros sine aliqua remissione.

14

Περὶ ἐκμισθώσεως τῶν δασμῶν Κρήτης ὑπὸ τῶν ρεκτόρων διὰ πλειοδοτικῆς δημοπρασίας, τοῦ μισθώματος καταβαλλομένου ἀνὰ τρίμηνον. 1382, Ὀκτωβρίου 27.

F^o119^r Millesimo trecentesimo LXXXII, die XXVII Octobris.

Capta. Quod pro bono et comodo nostri communis incantentur de cetero omnia dacia insule Crete per rectores locorum et deliberentur plus offerentibus. Et fiant solutiones ipsorum daciorum de tribus in tres menses et incantentur de anno in annum accipiendo exinde bonam plezariam et sic scribatur nostris rectoribus insule.

15

Εὐκολίαι παρεχόμεναι εἰς τοὺς ἐμπόρους. 1382, Νοεμβρίου 12.

F^o119^{to} Millesimo trecentesimo LXXXII, die XII Nouembris.

Capta. Quia solitum est subuenire mercatoribus conuersantibus in partibus Crete quod eorum grane quas conduci faciebant Venetias cum nauigijs disarmatis statim eis assignabantur sub certa conditione et talis subuentio facta non